



L0110374521AM

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀԻ ՏԵՂԱԿԱԼ

Երևան-0015, Մ. Խորենացու 3, 7

21.06.2023թ

ՈՐՈՇՈՒՄ ԹԻՎ 300-2023/02-Ն
ՎԱՐՉԱԿԱՆ ԻՐԱՎԱԽԱԽՏՄԱՆ ԳՈՐԾԻ ՎԵՐԱԲԵՐՅԱԼ

ՀՀ պետական եկամուտների կոմիտեի նախագահի տեղակալ Կարեն Թամազյանս՝ քննելով 04.05.2023 թվականին կազմված «Հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու վերաբերյալ» արձանագրության հիման վրա 29.05.2023թ-ին հարուցված վարչական վարույթը, ուսումնասիրելով 14.06.2023 թվականի թիվ 300-2023/02-Ա վարչական իրավախախտման գործի վերաբերյալ արձանագրությունը և վարույթի նյութերը՝

ՊԱՐԶԵՑԻ

«Հարկ վճարողի գույքի վրա արգելանք դնելու մասին» ՀՀ պետական եկամուտների կոմիտեի նախագահի 14.06.2023թ-ի թիվ ԱՀ 84640 հանձնարարագրի հիման վրա 15.06.2023թ-ին կայացված թիվ 84640 որոշմամբ արգելանք է կիրառվել «ԲԱԲԻԼՈՆ ԼՈԳԻՍՏԻԿ ՑԱՆՑ» ՍՊԸ-ի /ՀՎՀՀ՝ 00475947/ բանկային հաշիվներում առկա դրամական միջոցների վրա 1.508.630 ՀՀ դրամ գումարի չափով: Բանկային հաշիվներում առկա դրամական միջոցների բացակայության հիմքով 29.06.2022թ-ի թիվ 84640/1 որոշմամբ արգելանք է կիրառվել դրամարկղում առկա կանխիկ դրամական միջոցների վրա՝ 1.508.630 ՀՀ դրամ գումարի չափով, իսկ 28.07.2022թ-ի թիվ 84640/2 որոշմամբ՝ ընկերությանը պատկանող այլ գույքի վրա՝ 1.508.630 ՀՀ դրամ գումարի չափով:

Հարկ վճարողի գույքի վրա արգելանք դնող պաշտոնատար անձի կողմից հարկ վճարողին 21.04.2023թ-ին փոստային ծառայության միջոցով /L0109077507AM/ ուղարկված գրությամբ պահանջվել է գրությունը ստանալուց հետո եռօրյա ժամկետում ներկայացնել հարկ վճարողի դրամարկղում առկա կանխիկ դրամական միջոցների և այլ գույքի գույքագրման, ինչպես նաև մուտքագրված և ելքագրված դրամական միջոցների շարժի ուսումնասիրության նպատակով տեղեկություններ, այդ թվում՝ նաև դրամարկղային գիրքը:

«ԲԱԲԻԼՈՆ ԼՈԳԻՍՏԻԿ ՑԱՆՑ» ՍՊԸ-ի /ՀՎՀՀ՝ 00475947/ տնօրեն Կարեն Գասպարյանին 21.04.2023թ-ին փոստային ծառայության միջոցով /L0109077507AM/

ուղարկված գրությունը վերջինիս կողմից է ստացվել է 22.04.2023թ-ին, սակայն Կարեն Գասպարյանը չի ներկայացել հարկային մարմին, չի ներկայացրել դրամարկղային գիրքը և չի ներկայացրել որևէ բացատրություն:

Վերը նշվածի հիման վրա հարկ վճարողի գույքի վրա արգելանք դնող պաշտոնատար անձի կողմից 04.05.2023թ-ին կազմվել է արձանագրություն՝ իր իրավասությունների սահմաններում գործողությունների կատարմանը խոչընդոտելու վերաբերյալ:

«ԲԱԲԻԼՈՆ ԼՈԳԻՍՏԻԿ ՑԱՆՑ» ՍՊ ընկերության /ՀՎՀՀ՝ 00475947, պետ. գրանցման համար՝ 278.110.1005387, հասցե՝ ք. Երևան, Էրեբունի, Նոր Արեշ 14 փ., 84 շենք, էլ. հասցե՝ [babilon.logistic@gmail.com/](mailto:babilon.logistic@gmail.com) տնօրեն Կարեն Գասպարյանի /ՀԾՀ՝ 3809750182, նույն. քարտ՝ 009935396, տրված՝ 16.02.2018թ., 009-ի կողմից, հասցե՝ ք. Երևան, Էրեբունի, Նոր Արեշ 14 փ., 84 շենք/ կողմից վերը նկարագրված արարքների համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 182.6 հոդվածով:

Փաստի կապակցությամբ 29.05.2023թ-ի հարուցվել է վարչական վարույթ և Կարեն Գասպարյանին ծանուցվել է այդ մասին:

Արձանագրությունը կազմելու վայրի և ժամանակի մասին պատշաճ ծանուցված լինելով Կարեն Գասպարյանը չի ներկայացել և չի ներկայացրել բացատրություն, հետևաբար 14.06.2023թ-ի թիվ 300-2023/02-Ա արձանագրությունը կազմվել է վերջինիս բացակայությամբ:

15.06.2023թ-ին Կարեն Գասպարյանը ներկայացել է ՀՀ պետական եկամուտների կոմիտե իրավաբանական վարչություն, ներկայացրել հայտարարություն «ԲԱԲԻԼՈՆ ԼՈԳԻՍՏԻԿ ՑԱՆՑ» ՍՊ ընկերության /ՀՎՀՀ՝ 00475947/ չկատարված պարտավորությունների վերաբերյալ: Կարեն Գասպարյանը 15.06.2023թ-ին ներկայացրել է ընկերությանը պատկանող թիվ 1/2797 դրամարկղային գիրքը, որի վերաբերյալ հարկ վճարողի գույքի վրա արգելանք դնող պաշտոնատար անձի կողմից կատարվել է 29.06.2022թ-ին կիրառված թիվ 84640/1 արգելանքի շրջանակում ընկերության դրամարկղում առկա կանխիկ դրամական միջոցների, մուտքագրված և ելքագրված դրամական միջոցների շարժի վերաբերյալ համապատասխան ուսումնասիրություն:

14.06.2023թ-ին կազմված հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու վարչական իրավախախտման գործի վերաբերյալ թիվ 300-2023/02-Ա արձանագրությունը 15.06.2023թ-ին առձեռն հանձնվել է Կարեն Գասպարյանին:

Հարկ է նշել նաև, որ 22.04.2023թ-ի (գրությունը փոստային ծառայության միջոցով ստացվելու օրը) դրությամբ ընկերության պարտավորությունները կազմել են 2.133.997 ՀՀ դրամ (որից ապառք՝ 1.650.766 ՀՀ դրամ, տույժ՝ 456.231 ՀՀ դրամ, դրոշմանիշային վճար՝ 27.000 ՀՀ դրամ): Ընկերության կողմից 22.04.2023-14.06.2023թթ.

(խոչընդոտման արձանագրության կազմման օրը) ՀՀ պետական բյուջե վճարում չի կատարվել: 14.06.2023թ-ի դրությամբ ընկերության պարտավորությունները կազմել են 2.142.987 ՀՀ դրամ (այդ թվում՝ ապառք՝ 1.650.766 ՀՀ դրամ, տույժ՝ 465.221 ՀՀ դրամ, դրոշմանիշային վճար՝ 27.000 ՀՀ դրամ):

Պատշաճ ծանուցված լինելով 21.06.2023թ-ին նշանակված վարչական իրավախախտման գործի քննության վայրի և ժամանակի մասին՝ Կարեն Գասպարյանը կամ վերջինիս ներկայացուցիչը չի ներկայացել և չի ներկայացրել բացատարություն:

ՀՀ հարկային օրենսգրքի 36-րդ հոդվածի 1-ին մասի 11-րդ կետի համաձայն՝ հարկային մարմինը (հարկային հսկողություն իրականացնող պաշտոնատար անձը) լիազորված է հարկային պարտավորությունների գանձումն ապահովելու նպատակով ՀՀ հարկային օրենսգրքով սահմանված դեպքերում և կարգով արգելանք դնել հարկ վճարողի (հարկային գործակալի) գույքի վրա.

ՀՀ հարկային օրենսգրքի 434-րդ հոդվածի 2-րդ մասի համաձայն՝ հարկ վճարողի դրամարկղում ունեցած կանխիկ դրամական միջոցների վրա արգելանք դնելու մասին որոշումը հարկ վճարողին ներկայացնելու օրը որոշումն ընդունած հարկային մարմնի պաշտոնատար անձը գույքագրում է հարկ վճարողի դրամարկղում առկա կանխիկ դրամական միջոցները և դրանք, ինչպես նաև արգելանքի կիրառման ժամանակահատվածում հարկային պարտավորությունների սահմանում դրամարկղ մուտքագրվող կանխիկ դրամական միջոցներն արձանագրությամբ ի պահ է հանձնում հարկ վճարողին: Հարկ վճարողի դրամարկղում առկա կանխիկ դրամական միջոցների՝ արգելանքի տակ գտնվելու ժամանակահատվածում որոշում կայացրած հարկային մարմնի պաշտոնատար անձն իրավունք ունի ցանկացած ժամանակ գույքագրելու դրամարկղում դրամական միջոցների առկայությունը, ինչպես նաև մուտքագրված և ելքագրված դրամական միջոցների շարժը, որի արդյունքներով կազմվում է արձանագրություն: Դրամարկղում կանխիկ դրամական միջոցների կամ կանխիկ դրամական միջոցների շարժի գույքագրման արձանագրության ձևը սահմանում է հարկային մարմինը, որում նշվում են գույքագրման ամսաթիվը, ժամանակահատվածը, արգելանքի տակ գտնվող դրամական միջոցների արժույթը, արժեքը, քանակը, մուտքագրված դրամական միջոցների արժեքը և դրանց ստացման աղբյուրը, ելքագրված դրամական միջոցների արժեքը և ծախսման ուղղությունները, ի պահ հանձնվող դրամական միջոցների արժույթը, արժեքը, քանակը, գույքագրման ընթացքում դրամարկղային գործառնությունների կատարման դադարեցման ժամանակահատվածը, նշում՝ արգելանքի կիրառման ժամանակահատվածում հարկային պարտավորությունների սահմանում դրամարկղ մուտքագրվող դրամական միջոցների արգելանքի տակ գտնվելու և ի պահ ընդունելու վերաբերյալ, գույքագրմանը մասնակցող անձանց տվյալներն ու ստորագրությունները: Նշված արձանագրությունները հարկ վճարողի դրամարկղում առկա կանխիկ դրամական միջոցների վրա արգելանք դնելու մասին որոշման անբաժանելի մասն են:

ՀՀ հարկային օրենսգրքի 435-րդ հոդվածի 2-րդ մասի համաձայն՝ արգելանքն իրականացնող պաշտոնատար անձն արգելանքի տակ դրված այլ գույքն ի պահ է հանձնում հարկ վճարողին, իսկ եթե հարկ վճարողը փորձում է արգելանքի տակ դրված գույքը կամ դրա առանձին բաղադրամասերը վատնել, թաքցնել, ապօրինաբար մեկ ուրիշին հանձնել, փչացնել կամ ոչնչացնել, ապա գույքի պահատվությունը հանձնվում է նման գործունեություն իրականացնող մասնագիտացված կազմակերպությանը՝ պահատվության պայմանագրի հիման վրա: Պահատվության հետ կապված ծախսերը կատարում է հարկ վճարողը:

«Հարկային ծառայության մասին» ՀՀ օրենքի 35-րդ հոդվածի 1-ին և 3-րդ մասերի համաձայն՝

1. Հարկային ծառայողի՝ իր իրավասության սահմաններում առաջադրած պահանջները պարտադիր են բոլոր պետական կառավարման և տեղական ինքնակառավարման մարմինների, հիմնարկների, կազմակերպությունների, պաշտոնատար անձանց և քաղաքացիների համար:

...

3. Հարկային ծառայողի պահանջները չկատարելը կամ նրա պարտականությունների կատարմանը խոչընդոտելն առաջացնում է օրենքով սահմանված պատասխանատվություն:

Վարչական իրավախախտումների վերաբերյալ ՀՀ օրենսգրքի 182.6-րդ հոդվածով նախատեսված պատասխանատվության միջոցի կիրառումը հնարավոր է հետևյալ գործողություններից որևէ մեկի դեպքում.

1) հարկային հսկողություն իրականացնող պաշտոնատար անձի օրինական պահանջները չկատարելու,

2) տնտեսավարող սուբյեկտի՝ հարկային հսկողություն իրականացվող տարածք նրա մուտք գործելն արգելելու,

3) հարկային հսկողության նպատակներին անմիջականորեն առնչվող փաստաթղթեր, տվյալներ և այլ տեղեկություններ նրան չտրամադրելու,

4) օրենքով սահմանված կարգով իրականացվող հարկային հսկողության ընթացքին այլ կերպ խոչընդոտելու համար:

Պետք է նշել նաև, որ Վարչական իրավախախտումների վերաբերյալ ՀՀ օրենսգրքի 182.6-րդ հոդվածի կիրառման համար անհրաժեշտ պայման է հանդիսանում այն, որ վերոհիշյալ արարքներից թեկուզ մեկը կատարվի փաստացի իրականացվող հարկային հսկողության ընթացքում, և խոչընդոտ հանդիսանա նշված հարկային հսկողության հետագա ընթացքն ապահովելու համար:

Տվյալ դեպքում հարկ է նշել, Կարեն Գասպարյանը պարտավոր էր 16.02.2023թ-ին կազմված գրությամբ պահանջվող ժամկետում ապահովել արգելադրում իրականացնող պաշտոնատար անձանց օրինական պահանջները, մասնավորապես, ներկայացնել պահանջվող փաստաթղթերը՝ դրամարկղային գիրքը և հարկ վճարողի այլ գույքակազմի վերաբերյալ տեղեկություններ:

Հիմք ընդունելով հիշյալ իրավակարգավորումները, համադրելով դրանք գործում առկա փաստական հանգամանքների հետ, պետք է նշել, որ Կարեն Գասպարյանը խոչընդոտել է հարկային հսկողություն իրականացնող պաշտոնատար անձանց ծառայողական պարտականությունների կատարմանը, հետևաբար Կարեն Գասպարյանի արարքում առկա է Վարչական իրավախախտումների վերաբերյալ ՀՀ օրենսգրքի 182.6-րդ հոդվածով նախատեսված իրավախախտման դեպքը:

Միաժամանակ, հաշվի առնելով այն, որ թեև Կարեն Գասպարյանը 22.04.2023թ-ին ստացել է հարկ վճարողի գույքի վրա արգելանք դնող պաշտոնատար անձի կողմից 16.02.2023թ-ին կազմված գրությունը, որով պահանջվել է գրությունը ստանալուց հետո եռօրյա ժամկետում ներկայացնել հարկ վճարողի դրամարկղում առկա կանխիկ դրամական միջոցների և այլ գույքի գույքագրման, ինչպես նաև մուտքագրված և ելքագրված դրամական միջոցների շարժի ուսումնասիրության նպատակով տեղեկություններ, այդ թվում՝ նաև դրամարկղային գիրքը, սակայն պահանջվող ժամկետում չի ներկայացրել հարկային մարմին, չի ներկայացրել դրամարկղային գիրքը և չի ներկայացրել բացատրություն, այդուհանդերձ 15.06.2023թ-ին Կարեն Գասպարյանը ներկայացրել է ՀՀ պետական եկամուտների կոմիտեի իրավաբանական վարչություն, ներկայացրել ընկերության դրամարկղային գիրքը, այսինքն՝ առկա են իրավախախտման վնասակար հետևանքները կանխելու և (կամ) վերացնելու ուղղությամբ միջոցներ ձեռնարկված լինելու հանգամանքները, ուստի՝ վարույթն իրականացնողը գտնում է, որ կատարված իրավախախտման համար Կարեն Գասպարյանի նկատմամբ բավարար է Վարչական իրավախախտումների վերաբերյալ ՀՀ օրենսգրքի 182.6-րդ հոդվածով նախատեսված «Նախազգուշացում» պատասխանատվության միջոցի կիրառումը:

Հիմք ընդունելով ամբողջ վերոգրյալը և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 244², 281-րդ հոդվածներով և 282-րդ հոդվածի 1-ին մասով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 182.6 հոդվածի՝ Կարեն Գասպարյանի նկատմամբ կիրառել վարչական տույժ՝ նախազգուշացում:



Ծանոթություն. Սույն վարչական ակտն ընդունված է համարվում ստորագրվելու օրվանից՝ ուժի մեջ է մտնում ինստիտուցիոնալ իրազեկելուն հաջորդող օրվանից և ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով: